

Latit. Gr. Scr.	Longit. Gr. Scr.
31. 47. $\frac{1}{2}$	66. 20.
33. 29.	67. 10.
32. 49.	66. 57. $\frac{1}{2}$
33. 20.	68. 19.
31. 54.	66. 28.
32. 59.	67. 22. $\frac{1}{2}$
32. 44.	67. 48.

30 INDEX GEOGRAPHICUS.

Campi Sylvæ, Psalm. 131. v. 6. Ecce audivimus eam in Ephrata, invenimus eam in Campis Sylvæ. De Arca Domini loquitur Psaltes, quæ fuit in monte Silo in Tribu Ephraim. Eâ autem aliquando à Philisthæis captâ, cum ad Israëlitas remitteretur, in Campum Josue penes Beth-sames deducta est, tum & in Cariath-jarim, five urbem Sylvarum.

Cana una est in Tribu Aser cujus meminit Josue 19. v. 28. eaque non longè à Sidone magna dicitur, & inter urbes viginti duas hujus Tribus decima quinta.

Cana alia Galilææ semper dicitur, ad distinctionem alterius quæ in Aser. In Cana Galilææ, Christus vocatus ad nuptias, Aquam in Vinum mutavit, ex Joan. 2. v. 1. & à Regulo vocatus ut filium suum inviseret, sanaretque, verbo absentem sanavit, Joan. 4. v. 48. Hujus urbis fuit Nathanaël ex Joan. 21. v. 2. de quo Christus, Joan. 1. v. 47. Ecce verè Israëlita in quo dolus non est.

Canath, Numer. 32. v. 42. Nobe quoque (ex Israëlitis) perrexit & apprehendit Canath cum viculis suis, vocavitque eam ex nomine suo Nobe. Nihilominus etiam 1. Paralip. 2. v. 23. Cepit... Jair & Canath, & viculos ejus sexaginta civitatum, nullâ mentione factâ nominis Nobe. Etiam apud exteros nomen primum invaluit.

Caphara decima septima inter urbes viginti sex Tribus Benjamin, eaque in parte secunda, nec longè à Maspha, & Amosa, Josue 18. v. 28. Olimque sub ditione vel in societate urbis Gabaon. V. Gabaon.

Capharath Galilææ oppidum aut vicus, quod munivit Josephus. In vita sua.

Capharnaum, Christus relicta civitate Nazareth, (in qua conceptus & educatus fuerat) venit & habitavit in Capharnaum maritima, in finibus Zabulon & Nephthalim, Matth. 4. v. 13. ideoque cum ipse Marcus dicit Christum intrasse in Capharnaum, 2. v. 1. Matthæus in civitatem suam venisse ait, 9. v. 1. Hanc ergo urbem inhabitans Christus, domi, ut plurimum discipulos; Sabbathis populum in Synagoga Evangelii doctrinam docuit, innumeraque miraculorum genera, & in urbe, & circa urbem patravit. In Synagoga Dæmonem obmutescere jussu ab homine ejicit, Luc. 4. v. 33... Marcus 1. v. 23... Surgens à Synagoga intravit in domum Simonis, & socrum ipsius à mala febri sanavit, Luc. ibid. v. 38.. Marc. 1. v. 31. Vespere facto, ægrotos undecumque allatos curat, & Dæmones, etiam ipsum Filium Dei confitentes, obmutescere facit, ejicitque, Luc. ibid. v. 40.. Marc. 1. v. 32. Paralyticum, nudato tecto, ante se demissum, peccatis absolvit, sanumque in domum suam remisit, Luc. 4. v. 18... Marc. 2. v. 3... Matth. 9. v. 2... Centurionis servum (Reguli filium facere videtur Joannes) paralyticum, moriturumque & absentem verbo sanavit, Luc. 7. v. 2... Matth. 8. v. 5... Joan. 4. v. 46... dum ad Jairi Principis Synagogæ filiam duodennem pergit, ut eam à morbo liberet; mulieri vestis suæ fimbriam tangenti profluvium sanguinis sedavit, Luc. 8. v. 43... Marc. 5. v. 25. Matth. 9. v. 20... Jairi filiam jam mortuam in vitam revocavit, Luc. ibid. v. 50... Marc. 5. v. 35... Matth. 9. v. 24... & Christo illinc egredienti cæcis duobus, & in se credentibus oculos aperuit, Matth. ibid. v. 27... tum & hominem mutum, & dæmonium habentem, ejecto dæmonio loquentem reddidit, ibid. v. 32... Exactoribus didrachma petentibus Petrus Christi jussu piscem capit, stateremque in pisce invenit, solvitque, Matth. 17. v. 26. Attamen Capharnaum numeratur inter urbes, quibus propter impenitentiam, ultimam, & æternam perditionem, etiam præ Sodomis minitatur Christus, Luc. 10. v. 15. Pro Capharnao, Capharnon legit Josephus in vita sua. Vide Lecum.

Caph-